

（欽定）廓爾喀紀畧

卷二十四
二十五

欽定 廓爾喀紀略

卷一

欽定廓爾喀紀畧卷二十四

三月十一日

庚辰

鄂輝成德奏言

臣

等前奉

上諭令將後藏至聶拉木以外一帶地方繪一圖樣

並將鄂輝成德現在何處分路追剿及賊匪屯聚

地方在何處堵截之處於圖內粘簽貼說呈覽等

因茲

臣

等連日確查後藏地方與廓爾喀連界

者惟聶拉木濟隴兩處爲通商要口離陽布較

近其餘尙有絨轄定結薩喀三處絨轄地方雖
小離陽布亦近惟山路崎嶇難以行走絨轄以
內有路兩道一通第哩浪古一通定結而定結
另有一路可通喀爾達卽係廓爾喀地方道路
雖覺稍平離陽布甚遠去年賊匪前來搶掠後
藏物件卽從此路潛回宗喀與哲孟雄雖亦有
路可通總在喀爾達一路會合至薩喀以外係

洛敏唐塔番界半歸西藏半屬廓爾喀所管離
陽布亦遠約有一月程途去年賊匪分路派兵
至後藏邊界將聶拉木濟隴絨轄定結等處佔
據惟瑪木薩野等一路由聶拉木繞道撒迦直
至扎什倫布滋擾其餘俱在所佔地方踞守今
聶拉木一路賊匪業經悉數殲擒該處離陽布
計程十一站將來大兵似可由此路深入且目

下甫經收復地方應留重兵防守

臣

等遵

旨派令總兵穆克登阿並令

乾清門侍衛承德幫同帶領屯土唐古忒番兵八
百餘名分撥各路設卡巡防查木薩橋地勢險
要與廓爾喀交界爲賊匪來路所必經現留金
川屯番二百名唐古忒兵一百名扼其咽喉賊
卽無路可入其聶拉木山上另有通陽布小路

一條山高道險現在已被大雪封阻實非行兵之路今於山上要口修砌戰礮二座以便安兵堵禦拍甲嶺道路叢雜爲聶拉木後路酌留屯兵一百名唐古忒兵一百名駐守第哩浪古雖有達木唐古忒兵四百餘名在彼守禦但該處係通聶拉木宗喀要口地勢散漫而窩朗卡又有小路可通絨轄更爲緊要卽於穆克登阿所

留屯兵內派出一百名與先在該處之達木兵
一百名設卡堵禦更足以資得力第哩浪古仍
留達木唐古忒兵三百名統歸總兵穆克登阿
等管領以資約束定結一處雖現在並無賊匪
但係通緘轄喀爾達興薩等處總路現在遊擊
李之榮帶領綠營兵一百名唐古忒兵一百名
在彼控制亦無可虞脅噶爾拉子兩處均係各

路總滙之地現有本處唐古忒兵防守俟隨後
大兵到齊再行酌量留駐至濟隴離陽布計程
十三站查詢道路較聶拉木稍寬自爲將來進

兵大路現有賊匪踞守該處地勢險要塞落稍
多賊匪或聞聶拉木剿除之信不能保其不添

賊防備且離宗喀二日之擦木地方夾道崎嶇

樹木叢雜卽有賊兵佔住要口

臣

等現擬帶兵

先往宗喀俟後起官兵到來厚集兵力將擦木
濟隴拒守之賊相機勦滅卽可隨同福康安帶
兵直搗賊巢再查拉子至宗喀較之由脅噶爾
一路行走可近三四站現擬卽由此處安設塘
馬糧站以免紆迴

鄂輝成德又奏言伏查聶拉木先後到營之滿
漢屯土官兵本有一千三百餘名除受傷陣亡

及在途患病身故外現有一千二百餘名此次

留駐聶拉木六百餘名尚有六百餘名應卽撤

赴濟隴一路勦賊後起屯練八百餘名內已有

行抵第哩浪古者_臣等卽令領兵將備暫在該

處駐劄不必來營徒滋往返惟今年正月間連

下大雪各山積雪甚深近來陰雪頻仍未能卽

化_臣成德侯各卡隘積雪稍化卽親往查察扼

要地方指示穆克登阿等安兵拏卡維時後起

屯兵亦可陸續到第哩浪古齊集

臣

成德卽帶

同總兵張芝元侍衛阿尼雅布竟由第哩浪古

督兵直往宗喀俟其兵力厚集卽相機勦辦濟

隴賊匪

臣

鄂輝因糧石在拉子存貯該處烏拉

只能供應聶拉木一路而宗喀卽日進兵若不

及早籌畫於兵食大有關係一面檄諭宗喀戴

奉澤旺熱布丹第巴薩木珠於本地現有之糧
先備數百石存貯俟官糧運到再行給還並令

隨營糧務巴縣知縣吳桂將第哩浪古運到之

糧石內逐一催運送至聶拉木源源接濟

臣鄂

輝於拜摺後卽帶同知姚令儀經歷徐鼎由脅
噶爾至拉子分起催僱烏拉將糧石趕緊趲運

並帶同

乾清門侍衛珠爾杭阿查看後路安兵防守等事

查拉子以至宗喀較脅噶爾一路可近數站所

有糧站馬塘卽從該處另行安設便捷實多計

算程途

臣

鄂輝現自聶拉木起程繞至拉子一

帶前赴宗喀

臣

成德俟將聶拉木防守事宜安

置妥帖由第哩浪古帶兵前往宗喀先後到彼

相去亦不甚遠

臣

等惟當厚集兵力將濟隴拒

守賊匪設法盡數殲誅以冀早慰

聖懷

鄂輝成德又奏言

臣

等在聶拉木軍營有原帶

兵之代辦戴琫烏珠拉旺並調來戴琫丹津那

木吉教習漢兵陳謨潘占魁及宗喀定結等處

遇賊打仗漢番官兵等到營面加查問緣陳謨

潘占魁均係防守後藏之兵派赴宗喀教演唐

古忒兵丁技藝五十六年七月二十九日廓爾喀賊匪前來圍擾官寨該丁陳謨潘占魁督同寨內第巴薩木珠並番民喇嘛等三百餘人預備鎗石站牆瞭望賊匪於八月初二日四面攻圍該丁等督同第巴番人施放鎗石協力堵禦打死賊匪甚多十二日夜賊匪又用木梯上牆跳進寨內均被漢番兵等殺死牆外之賊被番

兵打死者亦多賊匪卽退至離宗喀三十里之
俄瑪地方適代辦戴琫烏珠拉旺隨同該處戴

琫澤旺熱布丹帶領跟役番兵八十餘人前往

追截又殺死賊匪十二人賊卽遁去共割首級

五十八顆內解赴前藏四十六顆其餘十二顆

現俱懸掛宗喀城牆其同時出力者除兵丁陳

謨潘占魁戴琫烏珠拉旺外尚有第巴薩木珠